

ТАЛОНЧИЛИК ЖИНОЯТИНИНГ ПРОФИЛАКТИКАСИ

Кенжаев Нурбек Шуҳрат ўғли
ИИВ Академияси 312-гуруҳ курсанти

Аннотация: Ушбу мақолада талончилик билан содир этиладиган ҳуқуқбузарликларнинг аҳамияти ва узига ҳос хусусиятлари, шунингдек, мазкур ҳуқуқбузарликлар профилактикасини амалга оширишнинг тартиби, ўзганинг мулкни очиқдан-очиқ талон тарош қилиш билан содир этиладиган ҳуқуқбузарликлар профилактикасини амалга ошириш бўйича ҳамкорликни ташкил этишнинг ҳуқуқни қўллаш амалиёти таҳлил қилиниб, такомиллаштиришга доир таклиф ва тавсиялар ишлаб чиқиш билан биргаликда соҳадаги муаммо ва камчиликларни бартараф этиш бўйича хориж тажрибалари ўрганиб чиқилиб, ушбу фаолиятни такомиллаштириш йўналишлари ёритиб берилган.

Калит сўзлар: Талончилик, зўрлик, моддий зарар, иқтисодий етишмовчилик, шахснинг мулкни очиқдан-очиқ эгаллаш, маънавий зарар.

Кириш.

Дунёда глобаллашувнинг жадаллашуви талончилик ҳолатлари ортаётганлигидан далолат бермоқда. БМТнинг маълумотларига кўра, 2023 йил дунё бўйлаб ўтказилган тадқиқот натижалари, дунёдаги 24% вояга етмаганлар, 55% аёлларга нисбатан турли хил турдаги жамоат жойларда бўлиб қолаётганлигини кўрсатмоқда. Жумладан, аҳоли гавжум жойларда, хиёбон, ўқув-юртларида, бозор-расталарда ва бошқа турдаги жамоат жойларида кузатилмоқда.

Республикамызда талончилик билан содир этиладиган ҳуқуқбузарликларнинг олдини олишга доир ўзига ҳос миллий тизим ва норматив-ҳуқуқий асослар яратилиб, уларни халқаро стандартларга мувофиқлаштиришга аҳамият берилганлиги натижасида фуқароларни турли ҳуқуқбузарликлар ва жиноятлардан муҳофаза қилиш масалаларига давлат сиёсати даражасида эътибор қаратилмоқда.

Ушбу соҳадаги миллий қонунчилик тизими


Ўзбекистон Республикаси Конституцияси;

Ўзбекистон Республикаси қонунлари;

Ўзбекистон Республикаси “Маъмурий жавобгарлик тўғрисида”ги кодекси;

Ўзбекистон Республикаси Жиноят кодекси;





2010 йил 29 сентябрда қабул қилинган Ўзбекистон Республикаси “Вояга етмаганлар ўртасида назоратсизлик ва ҳуқуқбузарликларнинг профилактикаси тўғрисида”ги Қонуни;

2014 йил 14 майда қабул қилинган Ўзбекистон Республикаси “Ҳуқуқбузарликлар профилактикаси тўғрисида”ги Қонуни;

2016 йил 16 сентябрда қабул қилинган Ўзбекистон Республикаси “Ички ишлар органлари тўғрисида”ги Қонуни;

2016 йил 14 сентябрда қабул қилинган Ўзбекистон Республикаси “Ёшларга оид давлат сиёсати тўғрисида ” Қонуни;

2017 йил 11 сентябрда қабул қилинган Ўзбекистон Республикасининг “Жисмоний ва юридик шахсларни мурожаатлари тўғрисида”ги Қонуни; Ўзбекистон Республикаси Президентининг 2017 йил 14 мартдаги

ПҚ-2883-сонли “Ҳуқуқбузарликлар профилактикаси ва жиноятчиликка қарши курашиш тизимини янада такомиллаштириш чора-тадбирлар тўғрисида”ги Қарори;

Ўзбекистон Республикаси Президентининг 2017 йил 7 февральдаги

ПФ-4947-сонли “Ўзбекистон Республикасини янада ривожлантириш буйича ҳаракатлар стратегияси тўғрисида”ги Қарори;

Ўзбекистон Республикаси Президентининг 2018 йил 24 декабрдаги

ПҚ-4075-сонли “Жамоат хавфсизлигини таъминлаш самарадорлигини ошириш буйича қушимча чора-тадбирлар тўғрисида”ги Қарори;


Асосий қисм.

Жиноятларнинг, хусусан, талончилик жиноятларининг олдини олишнинг асосий чора-тадбирлари жумласига илгари судланганларни ижтимоий ҳаётга мослаштириш, фуқароларнинг ҳуқуқий маданияти ва онгини янада юксалтириш ҳамда ижтимоий фаоллигини ошириш, ҳуқуқни муҳофаза қилувчи органларга нисбатан халқнинг ишончини ошириш, илгари судланганларга (айниқса, ёшларга) мураббийлар бириктириш ва жамоатчилик назоратини кучайтириш, муқаддам судланган маъмурий назорат остига тушувчи шахслар устидан маъмурий назорат ўрнатиш кабиларни киритиш мумкин.

Маълумки, мамлакатимизда жиноятчиликка қарши курашиш ва ҳуқуқбузарликлар профилактикаси борасида олиб борилаётган ислохотлар доирасида суд ҳукми билан озодликдан маҳрум қилиш жазосини ўтаётган маҳкумларни касбга ўргатиш, уларнинг меҳнатига ҳақ тўлаш, ҳаттоки пенсия таъминоти борасида ҳам ижобий ўзгаришлар қилинмоқда.

Айниқса, жиноят содир этган ўсмирларни жамиятга қайтариш, ижтимоий муҳитни соғломлаштириш борасида бир қатор дастурлар асосида амалий





чора-тадбирларнинг мунтазам равишда амалга ошириб келинаётганлиги жиноятларнинг барвақт профилактикаси борасидаги фаолият самарадорлигини янада оширади.

Жиноятчиликка қарши курашиш ва ҳуқуқбузарликлар профилактикаси борасида ички ишлар органлари томонидан бошқа масъул давлат органлари ва жамоат ташкилотлари билан ҳамкорликда амалга оширилаётган чора-тадбирлар ҳозирдан ўз самарасини бераётганлиги ҳеч кимга сир эмас.

Шу ўринда таъкидлаш лозимки, иқтисодиёт соҳасидаги жиноятлар орасида талончилик жинояти ўзига хос хусусиятга эга бўлиб, ушбу турдаги жиноятларнинг олдини олиш борасидаги чора-тадбирларнинг ҳам аниқ ва сифатли даражада ишлаб чиқилиши лозимлигини тақозо этади. Бинобарин, талончилик жиноятларининг олдини олишда ҳуқуқбузарликлар профилактикасини бевосита амалга оширувчи органлар ва муассасалар томонидан зарур бўлган доимий ҳамкорлик ижобий натижаларга эришиш учун имкон яратади.

Талончилик жиноятларининг олдини олиш борасидаги профилактик чора-тадбирлар доирасида ички ишлар органларининг соҳавий хизматлари, жумладан, жиноят қидирув, тергов, патруль-пост, профилактика ва бошқа хизматлари ҳуқуқбузарликлар профилактикасини бевосита амалга оширувчи бошқа давлат органлари ҳамда жамоат ташкилотлари билан ўзаро ҳамкорликни амалга оширади.

Бу борада биргина профилактика инспектори томонидан Ўзбекистон Республикасининг 2014 йил 14 май кунидаги «Ҳуқуқбузарликлар профилактикаси тўғрисида»ги қонунига мувофиқ амалга оширилиши лозим бўлган чора-тадбирлар бошқа турдаги жиноятлар бўйича нашр этилган қўлланмаларда ҳам келтирилган. Хусусан, ҳуқуқбузарликларнинг умумий профилактикаси доирасида талончилик жиноятларининг олдини олиш мақсадида оммавий ахборот воситаларида чиқишлар, жойларда кенг жамоатчилик ўртасида маърузалар ўқиш, давра суҳбатлари ва учрашувлар ташкил этиш, шунингдек талончилик жинояти содир этилиши эҳтимоли мумкин бўлган ҳудудларда патруллик йўналишларини ташкил этиш, хизмат ҳудудини кеча ва кундузги вақтларда профилактик кўздан кечириш каби умумий профилактик чора-тадбирлар амалга оширилиши лозим.

Шунингдек, профилактика инспектори талончилик жиноятининг олдини олишда хизмат ҳудудида ёки маъмурий ҳудудда жойлашган алоҳида объектда талончилик жиноятлари, уларни содир этувчи шахслар тоифаларининг кўпайиши, шунингдек жамоат хавфсизлиги ва жамоат тартибига, шахс, жамият




ва давлат мулкани талон-торож қилишга қаратилган хавф-хатарлар юзага келиши кучайганда ғайриижтимоий хулқ-атворли, талончилик ва мулкый турдаги жиноятларни содир этишга мойил ёки муқаддам шу турдаги жиноятларни содир этган шахсларни аниқлаш билан боғлиқ махсус профилактик чора-тадбирларни ташкил этади. Бунда профилактика инспектори фуқаролар йиғинини хабардор қилиб, ички ишлар органларининг бошқа соҳавий хизматлари, ҳуқуқбузарликлар профилактикасини бевосита амалга оширувчи ва унда иштирок этувчи орган ҳамда муассасаларнинг ходимларини ҳам жалб этган ҳолда ИИВнинг ва ҳудудий ички ишлар бошқарма ва бўлимларининг норматив-ҳуқуқий ҳужжатлари асосида «Назорат», «Ижро», «Тозалаш-Антитеррор» ва бошқа шу каби махсус ва тезкор профилактик тадбирларни амалга ошириши лозим. Махсус профилактик тадбирларни ҳудудий ички ишлар органи ёки ҳуқуқбузарликлар профилактикасини бевосита амалга оширувчи орган ва муассасалар билан биргаликда ишлаб чиқилган махсус режа, дастур ва бошқа бошқарув қарорлари асосида ички ишлар органларининг соҳавий хизматлари, шунингдек ҳуқуқбузарликларнинг махсус профилактикаси чора-тадбирларини амалга ошириш ваколатига эга субъектлар билан ҳамкорликда амалга оширади.

Хулоса.

Жамоатчилик фикрига, ўтган қисқа давр ичида ички ишлар тизими ва унинг фаолиятини тубдан яхшилаш, борасида кенг кўлам-ли ислохотлар амалга оширилди. Қабул қилинган норматив-ҳуқуқий ҳужжатларнинг таҳлиliga таяниб, ички ишлар органлари фаолиятига янги тартиблар ва механизм-лар-нинг жорий этилганлигини инобатга олган ҳолда айтиш мумкинки, тизимдаги ислохотларнинг биринчи босқичи яқунлан-ди. Ушбу босқич яқунларини сарҳисоб қилар эканмиз, соҳада дастлабки самаралар кузатилаётганлигини қайд этиш жоиз. Ҳуқуқбузарликлар профи-лак-тикаси ва жиноятчиликка қарши курашиш соҳасида салмоқли натижаларга эришилди.

Республикамызда амалга оширилаётган туб ислохотлар жамият ҳаётининг барча соҳаларида тартибга солишнинг ҳуқуқий асосларини мустаҳкамлаб бораётган, демократия адолат, инсон ҳуқуқлари ва эркинликларини муҳофаза қилиш принципларига амал қилинаётган бугунги кунда фуқаролик жамияти ва демократик давлат қуриш масалалари бўйича муҳим аҳамият касб этган ҳуқуқбузарликлар профилактикаси ва жиноятчиликка қарши кураш сиёсатининг асосий йўналишларидан бири





хисобланган профилактика инспекторининг ҳуқубузарликлар
профилактикасини амалга ошириш фаолиятини ўрганиш муҳим аҳамият касб
этади.

